


Aneudi Cabral a gradua como docente di Baile na Amsterdam



ORANJESTAD (AAN): Fin di juni Aneudi Cabral a clausura su ultimo etapa di su estudio di HBO di 4 aña na Amsterdamse Hogeschool voor de Kunsten cu exito y a gradua como bailarin, choreografó y docente di baile. Specialisá den diferente estilo di baile manera jazz, klassiek, modern, urban etc.

Aneudi su afstudeerpresentatie tabata un espectáculo di baile tremendo yama Bubú, cu a tuma lugar den e teatro di Amsterdamse Hogeschool voor de Kunsten.

E obra tabata den man di Aneudi conhuntamente cu e choreografó Dorottya Kiss. Nan a traha un obra di baile unda ta refleha riba e ultimo



fase di lucha di bailarin tin cu e estudio di baile y kico lo ta spera'e riba caminda den e mundo real di baile. Un obra hopi teatral, abstracto, emotional y cu movishonan di baile moderno cu hopi effectonan di luz. E publico presente tabata tin hopi bon comentario. Dibaiha despues di ricibi su diploma Aneudi haya un sorpresa hopi grandi y agradable; el a haya un oferta di bira docente na su ex-school, esta Amsterdamse Hogeschool voor de Kunsten.

Actualmente Aneudi ta bezig cu su carrera na Hulanda. Ya pa 3 aña caba e ta duna les na diferente schoolnan di baile/ballet y gymnan renombra na Amsterdam y Noord Holland.

Aneudi a presenta na diferente Dance-conventions como un "Presenter".

Den verano 2009 Aneudi a haci e choreografia pa e show di Emily Berkley pa Zomercarnaval Queen Election 2009 y tambe pa e full un

grupo di carnaval den e parada na Rotterdam fin di juli. Unda el a sa di gabna Best show y choreografia.

Aneudi a bira e spokesperson di e festival di UltiMark 2009 cu a tuma lugar na fin di augustus. La e festival di Amsterdam ta demostrea e agenda cultural pa 2009-2010. Aneudi a worde acerca pa bira spokesperson/role model di e festival aki pa asina stimula hobennan pa bin den contacto cu baile y cultura.

Na oktober 2009 Aneudi lo forma parti di e elenco bailarinan profesional di e prestigioso Nederlandse Opera, unda e lo baila den e production "L'elisir d'amore", cu ta den man di e choreografó renombra Andrew George.

Na november Aneudi lo ta e choreografó pa e certamen di

Miss Queen of the World 2009 y lo tin full e show den su man.

Pa futuro tin proyectonan internacional pa Belgica, Rusia, Romania y España.

Siendo Aneudi o keda bin Aruba pa duna diferente workshop y conventions riba e tereno di baile y dance aerobics, manera Dance-O-Licious part II. Un evento cu tin como objetivo cu stimula e juventud Arubano pa move y sera conosi cu e arte di baile.

Na final, Aneudi Cabral a laga sa: "Mi ta contento y orguyoso di por a haci mi pasion di baile bira mi profesion. Mi ta hopi agradesi pa e sosten y apoyo cu mi a haya di henter mi famia y amigonan durante mi estudio. Especialmente mi mayornan, Florecita y Ramon Cabral."